



此登臨廬

筆記

丁巳九月

萬叟署檢

此登臨廬

筆記

丁巳九月

萬叟署檢

民國十年十一月一號再版



此登臨慶筆記

定價大洋六角

著作人兼
角城存
悔

印刷者
崇文書局

特約發行所
崇文書局
上海四馬路一五〇號

分發行所
崇文書局
廣州雙門底

序

小說非古所重也。世變大異。文之大者遠者。不能悅人目。櫛鱗然。乃果所學羣趨於是途。昔人作小說。意出於鑒誡者。謂近官史。附陽陰。且桑間濮上之詞。朝削簡而夕脛行焉。於是世。瘡尙著。瘡衆傳。世瘡短。而遺毒無窮。求其中差強人意者。僅筆記已矣。蓋筆記不能寓言爲也。言必有本小者。記文章。金石山川草木。皆足資考訂。怡性情。大則一朝之屯。太史不足徵者。佚聞遺事。轉賴是知。二三焉。故昔人燼餘泣血之錄。爲世珍也。吾戚存悔居海上。有筆記之輯。介視嚴屬余序之。余少昏瞶。不能知存悔學所至。然其人精勤力學。必能跂余所謂大者遠者。以成其不朽之業。乃不得已。亦從事於小說。蓋深爲存悔悲也。然存悔爲小說。而知斤斤於筆記。是已異於凡儔。余知其蓋有以矯時俗之敝。欲以收拾人心。縱一時。

爲。蜀。之。日。越。之。雪。而。其。久。傳。於。後。世。必。無。疑。矣。若。僅。以。資。談。助。消。光。陰。快。一。日。之。目。又。豈。存。悔。意。也。丙。辰。秋。日。朱。年。少。饌。



此登臨廐筆記上卷

存悔編述

桐城方劍華先生。早年歷新疆十有餘年。曾入左文襄幕府。品端學粹。晚年精嫻內典。比來滬上。每一侍坐。若臨澄波。令人意遠。詢及文襄軼事。謂文襄得力。全在不言而躬行。卽文襄自負亦然。當其出師新疆。萬里荒漠。回轍之後。靡有子遺。幾無可着手。肯定計畫。則以屯田爲始基。而節節前進。絕不倡言屯田。謂如果形之奏牘。當時必起紛議。築室道謀。必無所成。方寸既定。祇在力行而已。因之復一城。克一地。先令兵士荷番開墾。俟其成熟。卽棄而之他。猶集流亡。以承其後。於是歸者如市。不煩布告。文令而四野有起色焉。蓋坐享其成。宜樂从之衆也。劍若別。猶以此相勉。其後以治理無人。進行不力。荒廢半矣。

按從事遠征。必無千里裹糧之理。今或不然。古於邊事。儲積必謀根本之區。昔曹操使臧祇屯田許下。州郡取以爲法。所在倉廩皆滿。故操每征伐。無匱餉之憂。司馬懿用鄧艾之策。置淮北屯田。廣漕渠。其後東南有事。大軍所至。資食有儲。彼魏晉之所以能濟大業。則以有許都淮南北之積粟。以供其空乏也。

傳青主論書法。關係於人品之說。有謂向於晉唐楷書。無所不臨。而不能肖。偶得子昂香光詩墨蹟。愛其圓轉流麗。臨不數過。遂亂真。此無他。如人學正人君子。只覺觚稜難近。降而與匪人遊。不覺日密。書宜甯拙毋巧。甯醜毋媚。寧支離毋輕滑。寧直率毋安排。學問不正。遂流軟美。一途心手不可欺也。此論直截痛快。要亦有所激而

云。

難正文字之獄。維止堂其一也。經人告訐。被戮者累累。事出東台之棋茶徐。固鉅族也。余曾詢之徐藥芬。問當日譏刺遺詩有存乎。曰無矣。問能記憶一二乎。曰不能。蓋散湮久矣。如亂朱。非正色。奪紫。竟何稱。咏牡丹也。清風不識字。何故亂翻書。咏風也。人多知之。頃閱霜紅龜集。有賤殺一題。其漫罵痛矣。而無訐之者。殆付刊晚出之故。詩云。賤殺柳顏厚。不知春風誰。臨風弄新翠。倒影翳清池。意自能張緒。觀終不淡儀。快心須一劍。斫却看平夷。渭漁丈。贈我明萬歷年間陝西按察署班票一紙。皮紙而朱印。略有蟲蝕。而大致完好。渭丈計已三百三十年。閱世三更。滄桑轉瞬。而一紙無恙。寧勝悼嘆。珍之甚。至迭亂之後。求之衙署中。恐亦無有存矣。

文字粗俚。本不必錄。第以一朝規制所存。無異吉光。錄之以見其概。四週略有雲紋。上標班票二字。其下云。陝西等處提刑按察司。爲稽查吏承。以防奸弊事。照得本司吏承舊規。每年分爲兩次上班。雖置有卯簿查點。誠恐各役下班。及公差等項。藉此在家安閑。不行依期供役。殊非事體。爲此置票給本役收執。今二月班滿回家。遵照輪該本年捌月上班。依限赴銷。不許托故遷延。如違查出。以曠役究革不貸。須至票者。右票仰吏王進善准此。萬歷十四年二月卅日給。司行。

元世祖至元二十七年。史稱六月間。繕寫金字藏經。凡糜金三千二百四十四兩。可見所費之鉅。此等金經。不知流落何所。亦國粹也。

正月逢閏。時憲歷未之見。元史世祖至元五年。成宗大德十年。仁宗延祐四年。俱閏正月。近朱彞邨先生所刊山中白雲詞。爲西秦玉田生張炎叔著。有閏元宵詞云。向人圓月轉分明。簫鼓又逢迎。風吹不老蛾兒鬧。繞玉梅猶戀香心。報道依然放夜。何欸曲行春。錦燈重見麗繁星。水影動顰雲。今朝準擬花朝醉。奈今宵。別是光陰。簾底聽人笑語。莫教遲了。青。

王碧山天放。又號中仙。越人也。能文工詞。琢語峭拔。有白意志雅。雜鈔。辛卯十二月初夜。天放降仙江甯王大圭家。問中仙今日何在。云在冥司。有滯未化。有詩云。天上人間止寸心。煙花雨意抑何深。十年尙有梢頭恨。燕子麼。空斷素琴。又詩云。繡閣珠簾半未殘。中年何事早拘攣。春風詞筆時塵暗。手拂冰絃。昨夢寒。以其伊鬱善思。故錄之。

新疆伊犁左近。當天山南路。有最稱膏腴者。每種一石。可獲四十倍而有餘。此說世人固未必信也。方劍老在新疆時。見之乾嘉年間奏牘。當時亦以爲張辭。詢之久。於是地者曰。地卽膏腴。所產未必能若是豐。縱如其說。亦應稍留餘地。何以竟如數以報。設遇凶歲。或他故。將何以爲繼。其人曰。先生誤矣。所留餘地。已倍有半。其實能收百石。報四十者。正爲此也。劍老錯謬。不敢置一辭。以道路梗塞。轉運不便。當地士民。又不視爲重要食品。久且罷墾。半成荒漠。劍老謂若以全國交通論。似以此路爲最急。其說亦至有理。

游金陵者。羣知莫愁之勝。以鍾阜石城。橫亘於前。江外諸峯。遙相映帶。荷亭消暑。柳浪迎風。攬勝者嘆觀止焉。不

知府治東南三十五里之祈澤池。境地絕幽。超然於塵表之外。游蹤罕至也。山高五十丈。周四十里。萬山重疊。古木森森。曲徑繚繞。岩洞深邃。夏日避暑其中。得未曾有。宋時有法師曾結庵於此。講法華經。有龍女來聽。師曰。龍開一泉乎。後數日。果有清泉湧於庵南。今仍龍池之名。祈雨頗驗。以地僻到者希。

粵匪之役。李文忠克復蘇州。降八王而殺之。爲後人訾議之一端。即外人戈登亦頗生齟齬。其實有出於不得已者。圍蘇勁軍止萬人。程學啓實專軍政。以其饒勇足當一面也。殺降本非文忠意。主者程耳。因衆寡懸殊。懼不敵。是時八王擁有十五萬之衆。約中允降後。仍許隨帶三萬。主客之勢既不相若。饋餉不繼。必生譁變。日夕可危。某晨舉酒相勞。置八紅色頂冠於桌。使八王進而謝恩。文忠詭言有八百里上諭至。須歸營親拆。程與周旋。暗令一勁伏兵起。乃一一執而戮之。當曾文正得文忠第一次報降信。方繞屋搓手。知必不可御。得二次信。乃狂喜曰。畢竟少荃能了事。蓋亦深以養虎之足遺害。惟戈登拂然以中人無信。當招降時。證以不殺者有戈登也。

又聞克復蘇城時。同時進城者有丁雨生中丞。進意須搜何物以獻。文忠謂他件不必。如有書籍。不妨取數簞來。丁得令遍搜無遺。凡宋元精槧影抄孤本。皆爲己有。獻之文忠者。三四等值耳。蘇爲江南大城。收藏之富可想。宜丁之書籍一時爲海內冠。在上者一言之不可不慎如此。

甲午中東一役。爲中國存亡之關鍵。此中歷史。今已大明。而亦文忠一身最不幸之時代。幾於世人皆欲殺矣。雖生厲階。孰執其咎。固自有人在。茲得文忠當時手諭旅順諸將書。亦真相之一。兩錄以供世之留心是事者。其函

曰諸位統領如面連接稟函及探信懸念之至。鎮東遂去糧彈等項計勻分接濟。足以多支兩旬。宋宮保已由復州進隊。旨又飭唐仁廉六營章高元八營由營口繼進。不日會合銘軍分道進援。倭人前後被我夾擊。定行退縮。望諸弟堅忍苦守。相機出奇。雕剿古云同舟遇風。胡越一心。況皆我淮部子弟。親若同胞耶。傳言黃提督與張鎮口角對毆。趙鎮與衛鎮亦有爭毆之事。此何時勢。尙鬧閑氣。尙望其同心禦敵。趙懷業久駐灣防。既不出隊。與徐見隆力戰。又不能爲一日之守。任令營官紛紛逃遁。勇丁下鄉擄掠。毫無紀律。實屬喪盡天良。應將所部懷軍全交姜翰卿統領。節制整頓。其不法弁勇立卽擒拿梟示。以防內亂。衛鎮聞亦怯懦無能。豈欲蹈汝兄覆轍。姜翰卿驍勇夙著。調度有方。旅防各軍應均歸其總統。其不遵號令者准其撤換懲辦。黃松素頗自命。今日臨敵。究竟何如。總之旅爲要地。朝廷視爲關係重大。如弟能死守勿失。必膺五等之封。若任其失陷。只有蹈海而死。何不拚命持久。爲淮人振起聲名。兄必督飭劉道盛道隨時設法。運濟米糧。槍炮彈勿空放。須省需用之。各營應懸重賞。俾其効命。如現銀不足。卽給印票爲憑。吾當飭照票給銀。此時行文不便。卽以此信爲憑。祈諸弟共體此意。此信各營傳觀遵辦。順問捷禱。鴻章手啓。十月廿二日。

余旣去崇川與聃生分袂。而又深悔成行之速。不能作數日談。聃生則謂旣去則不必悔。正好留有餘不盡之情。長相憶也。言之亦有理。偶檢范伯子詩有云。庚辰辛巳之間。里中友朋之樂最盛。百里之人恆聚於一。又云勿庵與友相愛旣深。乃至相挈相怨。延卿之去廣東。余具舟送之。過辭勿庵。無一言而別。旣行二十餘里。苦不能釋。復

回舟就焉。懽出意外。連宵達旦。成詩甚多。由此可見前輩交誼之篤。非所及也。余則並數日而不能留。爲憾又當何如。其詩中警句。如別恨乍如雲亂起。人才故與月同清。又如無多佳日春秋在。可愧江流日夜東。又如纔喜交親連日長。君看故舊每年稀。又如人生知己無哀怨。百事縱橫皆此餘。雋永有味。皆可傳誦之作。

檢點舊篋。友朋投贈之什。擇尤雅者著於篇。爲鳴求友時一諷誦。欣若覆面。春鳥飛飛。春草新。春山不語春風鳴。江樓人倚。江天望。江雨餘。虹江日晴。天涯地角兩茫茫。勞燕分飛道不迷。客歲今宵今歲語。踐茲心思。俟何時。此二章爲顧子時輔寄自崇川。匆匆折簡附飛鴻。漫羨湖山在望中。雨濕曉春遊不得。晝長枉却柳絲風。怕聽驪駒跨敵驢。愛游徒負五車書。不如歸隱山中月。自關荒榛結小廬。蓬蒿滿眼。日初斜。衰草寒天啄暮鴉。領甕不堪收拾。盡乞兒忒戀帝王家。城西水月夜。騰潮萬頃閑愁未肯消。試話英雄兒女事。六朝猶覺勝今朝。位躋王侯解戰袍。嬌兒鈍却雁翎刀。平湖畫檻論今古。往事都如驚卷濤。人緣山水移萍梗。更惜年華負芟游。夾道垂楊春雨急。巾車滿載客中愁。大漠風雲染血腥。山林芳草尚青青。少年冷落行藏事。清磬悲笳半夜聽。勝地登臨策馬回。忘憂應得一樽開。不妨千古郁如醉。莫累湖山又劫灰。此八章爲姚子默傑寄自枞茶。默傑性孤特。落落與人寡合。而獨與余善。故其爲詩。亦至冷靜。感慨遙深。曾向元都觀裏栽。劉郎未去碧桃開。看花使者多情甚。不許東風入夜催。非關永好漫投瓜。碧玉何曾是小家。他日道逢諸姊妹。封侯夫婿待儂誇。圍爐煙暖硯冰涼。室有蘭薰鏡有香。最是酒闌人意懶。笑他慣學睡。嵇康衣香人影罷梳粧。綠怨紅腔春夢場。一曲采菱歌未了。更無人似汝南王。

歌聲切切近更殘。調急應憐玉指寒。剛到曲終人不見。含情似解別離難。居然物色到風塵。地北天南路幾程。草綠王孫歸不得。任憑杜宇一聲聲。也曾傲世釣滄浪。何事文場又戰場。况復花叢添恨事。一回顧曲一神傷。自分輕狂似釣翁。倚欄高唱大江東。春來多少關心事。盡在拈花一笑中。此八章爲陶子少棠寄自都門。少棠余表兄。有奇氣。投筆從戎。漫遊遼瀋。慨乎世局。放浪詩酒。前六首和慕蘭生。以原詩爲寄情之作。故和辭近諛。後二首則以之自況者。懶向長安策敵驢。且搜舊篋讀吾書。風風雨雨連朝夕。四壁蕭條一草廬。豪情未減年猶少。新月初升掛樹梢。剪燭論心曾記否。燕南雁北各新巢。不盡長江萬斛愁。興亡已事黯然銷。坐中獨有傷心者。撫古如今說六朝。曙後晨星寥落甚。拂衣每欲五湖游。我重君愁君重我。解愁愁裏益增愁。從何傾水洗羶腥。百卉春深仍自青。最是月明人靜後。一聲殘柝一回聽。心史應編第幾回。沉淵藏谷待誰開。須知勢已成。騎虎劫後頭顱等。劫灰感懷用默傑韵。並以束諸子。

鳥以慈著稱。而亦有貪者。殆猶人之稟賦不同歟。允卿言其衙前老樹。諸鳥分巢其上。有二鳥結巢久未成。徐覘之。二鳥啣木歸。搆巢形。旋偕飛去。有鄰巢鳥伺其出。取其木置己巢。以故鄰巢日益堅大。而二鳥之巢日久無功。一日二鳥似覺。乃一守之一飛出。此守彼出。此出彼守。不日巢成。夫人情貪詐。以天理亡而人欲熾。知有己不知有人。豈鳥之性亦猶是邪。

輓語措辭。以得體爲難。馮蒿庵丈輓止潛云。緒論動經年。京洛停雲。與我相過曾對宇。浮生能幾日。皖江舊雨。笑

公未已又臚食。輓梅村丈云。化鶴竟安歸。陳迹忍澆京口酒。啼鳥猶未返大松。淒咽廣陵濤。其時丈住京口。而則民世兄在楚也。余亦輓曰。春日渡江關。看金焦兩點載酒重承長者賜。秋風驚鶴馭正吳。楚三千奔星獨爲我。公悲又晉友張古愚丁外艱。以訃告古愚同門四年。而其尊人則從未一面。甚難落筆。余輓之曰。以跡阻承教未能。太公竟道山歸去。三晉白雲二分明月覺今夕。滿目淒涼瞬馳千里。展訃音淚痕猶濕。孝子之哀思如聞。四年。勉學百日。承歡願及時植身建樹告慰九泉。

季大來綺里。泰州安豐場人。明季勵首陽之節者。篤於孝友。曾有楹聯。仁人長厚之言也。人人宜書一通於屏右。一父母同生四子看這等兄弟至真至切。諸兒孫無歧半念說甚麼家產可少可多。又項城上李文忠祠堂聯云。受知早歲代將中年。一生低首拜汾陽。敢翻臨淮壁壘。世變方殷。斯人不作。萬古大名配諸葛。常留丞相祠堂。鐘向與周調之昆仲。酬唱最盛。撮積成帙。兩次播遷。全歸散失。石秋忽郵示近作數則。興致正復不淺。『世秋』七唱。醉生夢死人間世。衰草斜陽塞外秋。『楚明』二唱。淒楚可憐。花怯雨。光明無礙。月當天。『如且』二唱。花如解語當憐我。竹且虛心況在人。『主詞』六唱。十里飛花無主宰。二分明月屬詞人。『修代』五唱。閑坐松風修寶錄。渴餐荷露代瓊漿。『三片』六唱。酒邀明月浮三白。衣礙殘花落片紅。

唐宋本有所謂坊妓。營妓。挾以侑酒。不足怪也。新官到任。先迎者大都歌妓。見於宋稗類抄。及各家私集。所在皆是。今日則在禁例。以東坡之風流蘊藉。而不害其賢。日中有妓。心中無妓。殆亦存乎其人。當其鎮錢唐日。無日不

在西湖。嘗携妓謁大通禪師。大通慍於色。東坡作長短句令妓歌之。其詞絕妙。設近之作官者携妓而流連於廟寺。不亦怪誕之至乎。詞云。師唱誰家曲。宗風嗣阿誰。借君拍板與門槌。我也逢場作戲。莫相疑。溪女方偷眼。山僧莫皺眉。卻愁彌勒下生遲。不見老婆三五時。大通爲西湖淨慈寺僧。

明季有申甫者。雲南人。爲童子時。嘗係鼠繫於途。有道人過。教甫爲戲。而拾道旁瓦石。四布於地。投鼠其中。鼠數奔突。不能出。已而誘貓至。欲取鼠。亦不能入。道人曰。此八陣圖。申後爲浮屠。往來河南山東。入嵩山。復遇道人。與以書一卷。啓視皆古兵法。車戰甚具。客劉翁所。翁故大俠。言兵者莫能逾。思宗卽位。北兵自大安口入。薄京師。事急。金聲言甫於朝。立爲京營副總兵。倉卒募兵。皆市中簍人子。不知戰陳。而甫則長於用車。當時權貴不知兵。又因劉金左滿桂敗。京師大震。促甫出。不得已縋城出。至蘆溝橋。竄亡。略盡。甫中飛矢數十。見殺。申所遇之道。殆古之人也。生今之世。而事。事。求。合。乎。古。未。有。見。其。可。者。

京師古物陳列所。遊覽者以禁止鈔錄故。見之筆記遂不多。且珍品繁博。亦記不勝記。武英殿上有周代之銅鼓。雖因酸化而起綠霉。然古色爛然。叩之鏗然。知爲數千年古物無疑。磁器則以景泰及乾隆時代爲多。

左側浴德殿亦開放。可任縱覽。內以白色煉瓦造成。人聲回應。劃然有聲。此殿之成。頗有歷史。當乾隆盛時。征服回部。虜獲回王美女一。高宗納之後宮。而居其父母於宮外。今順治門外南關市口。有所謂回子營者。卽當日回王居邸也。回女入宮。大爲高宗愛幸。思念父母。欲歸不得。高宗乃於南海之濱。建望家樓。以慰其意。今公府新華。

門。卽其遺址。浴德殿爲高宗賜回妃沐浴之所。其建築規摹。蓋倣歐西意大利形式。則當時高宗命意人經營之者。法人曾著書。傳其事。曰。本小村。長城亦曾著一文。登之新支那報。

小站練兵。爲項城生平最得意時代。而亦兆跡之始基。至小站歷史。則知之者鮮。偶見李襲侯集。有此記略焉。

小站者。合肥周武壯公津南屯田之所也。旣成。則易名爲新農鎮。今仍以小站稱。俗從舊也。其地。原隰畦。咍。高下相接。河水縈帶。微風始波。新禾擢鉞。遠近一碧。堤岸。雜植榆柳。綠陰扶疏。中秧歌四起。如置身江南。村郭間。始於同治十三年。盛軍於茲。沾澹引河一。達於新城之河。光緒元年。又於鹹水沾澹引河一。亦達於新城之外河。分注各溝。皆置石閘。十二年九月。接澹鹹水沾引河。逕南而西。五年。又於新城鹹水沾。各置石閘。以潄鹹引甘。變斥鹵爲沃壤。農具維備。風車轆車之屬。則以新意託之。其收穫。在同治三年。僅六千餘石。至光緒五年。遞增至十二萬石。有奇。田肥美。宜稻。畝收三四石。米潔白香美。勝於南中。其時墾至十萬畝而止。以人力不足也。畿輔水利。自元明逮清。屢作屢輟。武壯來自田間。殫心竭力。宜其有志竟成。而北方不宜插禾之說。非篤論矣。惟以客軍治田。不常厥居。時慮中輟耳。人第知項城著聲小站。本本水源。武壯實爲之先導。

蒲生以朝鮮官監吟長。謁見示。悲感蒼涼。不忍卒讀。嗟乎。毋使後人復哀後人也。爰錄於此。

小廬一角秋江雨。遺老吞聲哭且數。我是漢城宮裏人。淒涼閱盡興亡苦。苦億朝。億涕淚潛。南唐一闋念家山。兩朝舊事向誰訴。萬里孤臣有夢還。憶昔入宮年。正少泰階四平景星耀。驢背常隨聖駕遊。貂冠時近矢顏笑。君王。

(哲宗)晚歲善琵琶檀槽哀思勝悲弦將胡地三邊曲落盡西宮一夜花有時含憤裂絃起痛說前朝興亡史顧謂老臣汝念哉世間萬事只如此即今昌德宮煙繞等是銅駝洛陽道難免金仙辭漢闕會看玉殿埋秋草君王言罷淚浪浪撥動絃南內涼及今一一成讖語字字思來總斷腸腸斷鼎湖去國年六龍哭送萬人喧茂陵甲帳綠松鼠碧殿金棺啼杜鵑於時昌邑迎東北(光武繼統)主父西來稱監國(大院君攝政)國事可憐日漸非東海巨浪排空飛東海有國如虎熊雄心常欲吞諸姬鈎黨方爭留漢鼎和戎已誤進胡兒大烏方去井上來(兩人均日使)使臣統監總堪哀朕命不何日盡國魂欲斷幾回催偏有椒房忘折輓(閔后擅權)外家權勢傾宮掖遂使長秋宮月明冷照血花千年碧金門八月夜三更千乘倭兒鐵騎鳴寢殿刀光明玉几錦屏血色暗珠燈傷心莫說宮中劫皇后殉難皇子執最是天家雲錦裳拋殘黃土馬蹄踏不堪再過西苑路長門寂寞鎖煙樹惟有金籠鸚鵡鳴聲聲皇后呼如故從此宮嬪半零落老奴遂亦出黃閣痛哭常因感舊恩漂流何意營新幕緇衣披髮走江關漢家宮闕怕回看已說螭頭撞玉璽又傳龍袞易南冠一千九百十年秋(是年韓亡)漢江帶血向西流野哭千家盡蹈海國殤五百爭斷頭悲來輒至先皇陵整日長號淚不止昨夜夢中見先皇龍顏悽惻淚萬行殷勤苦向老奴道擅君子孫未天亡嗚呼國民聽聖主亡案尙有三戶楚何不再奮博浪椎未必副車仍誤汝

左文襄氣概恂恂似儒者並無凌人之威嚴也喜談諧議論饒有風趣其生平第一得意事則爲受知於林文忠

每樂道之。可知其所蘊蓄。及賢者鑑人之明。均不可及焉。

文襄未遇時。陶文毅聘爲西席。一日文忠道出長沙。赴粵也。抵岸時。一切印官未之見。遣二弁專請文襄談天。蓋甚雨不能成行。文襄正出市購物。一手擎葦。二手提各件包裹。累累若貫珠。其時二弁奉命迫逼。覓不得。幾執途人而問。一時閨動。適文襄貿貿然來。路旁人指而告之。二弁陳明所以。立即邀文襄至舟次。購件則寄之某肆。而雨益甚。文襄方行跳板上板。長而釘滑。行至中途。偶一不慎。失足落水。幾從屈大夫遊。幸水淺無恙。然已淋漓盡致矣。文忠知其至。倒屣相迎。已宛在水中。左右大受嚴譴。立從水中援之起。至艙後。易濕衣。文襄略不介意。猶自豪曰。此殆三薰三沐之兆。相與大笑。煮酒暢談。論天下事。情意極淡。頻行文忠珍重曰。吾老矣。此後天下事。舍子莫任。文襄求書一聯曰。此行匆匆已不及。至常德書成。卽專人賫至。聯語亦尋常。卽此地有崇山峻嶺。茂林修竹。是人讀三墳五典。八索九邱。自云此聯珍藏倍至。每年必懸數日於廳事。以有知己之感也。

寶應劉樸生先生。早歲客東諸侯十數年。光緒中葉以後。棄晉江淮之賑。無役不與。後兩游歐美。簡授湘臬。卒遭辛亥之變。遂一意內典。不與時事。然捍災救患之念不少衰。甲辰之春。往賑邳宿。余送其成行。兩人費錢八十。飽噉荒飯而去。其一身清節可知。生平事實。累紙不能盡。最後猶有一函託余向澄園居停爲鄉里乞賑。竟以滄桑之變。百感紛集。今歲三月。逝於里第。傷哉。後此江淮哀鴻。更誰爲援手也。他不具錄。茲錄其最後乞賑一書。達侍五日。現料量里賑。略有緒。惟但先查款一無著。以宿災未敢久淹。明早北行。上元節可至寧海。二十間當可道徐。